

Jém carta jém jayñeta w̄ip jém hebreopic p̄ixiñtam

Dios icutsat jém iM̄anic ȳip naxyucmi iga inmadíñ

¹ Wiñigam Dios ijíyáy watciy jém tanjatuñwewetam. Varios forma ijíyáy. Chiita j̄ixi jém wiñicpic anmafc̄iwiñ iga inmadayyajiñ jém Dios ip̄ixiñtam.

² Pero siip ȳip ocm̄ipic tiempo Dios icutsat iM̄anic iga tanmadáyiñ. Yíptim Dios iM̄anic cupiñta iga im̄ichap itumpiy jém Dios im̄ichi. Jeetim iM̄anic iwaganayoxa Dios cuando mu iwatyaj itumpiy cosa jém itw̄ip ȳip naxyucmi y jém itw̄ip siñyucmi.

³ Agui p̄imi w̄itsocpa jém Dios iM̄anic juutstim jém tanJatuñ Dios. Jextim ip̄imi. Jeetim mismo icuwiñ juuts jém tanJatuñ Dios. Yíptim Dios iM̄anic iniit icijom itumpiy jém Dios iwati iga iwatpa cuenta con Dios inmañti jém iniitw̄ip ip̄imi. Jesic cuando yaj tacujicháyáy jém tantañca, nic coñi siñyucmi jém tanJatuñ Dios itrono inw̄ic̄imi.

Jém Dios iM̄anic más mij que jém siñyucm̄ipic p̄ixiñ

⁴ Accámta jém Dios iM̄anic juuts tum más mijpic anjagooyi que jém siñyucm̄ipic p̄ixiñtam. Ip̄ictsonne jeetim iJatuñpic in̄iyi y jém iJatuñ ip̄imi, jeeyucmi más w̄iap que jém siñyucm̄ipic p̄ixiñtam.

⁵ Porque Dios da nunca in̄imáy ni tum siñyucm̄ipic p̄ixiñ:

Mich mamMañic. Yíp jama mammanigap.

Datim iñímáy Dios tum sinyucmipic p̄ixiñ:

Mich anJatun, ich mammanic.

⁶ Pero cuando Dios inimiñ yíp naxyucmi jém Wiñtipic iMañic, n̄impa Dios:

Wi iga itumpiy jém sinyucmipic p̄ixiñtam ijisyajiñ
jém Dios iMañic.

⁷ Dios inmatpa de jém sinyucmipic p̄ixiñtam cuando n̄im:

Dios icsetpa jém sinyucmipic p̄ixiñtam juuts sawa.

icsetpa jém icuyoxayajpaap juuts tum jucti tsam
p̄imi yótpa.

⁸ Pero Dios inmatpa de jém iMañic cuando n̄im:

Mich miDios. Mich minjagooyi.

Da nunca miputpa iga minjagooyi.

Iññuumanjacpa jém p̄ixiñtam.

⁹ Tsam iñtoypa jém wibic j̄ixi.

Tsam iñjójixpa jém malopic j̄ixi.

Jeeyucmi micupin Dios, mich iñDios,

más micmaymáyp que itumpiy jém
inwaganasiyajpaap.

¹⁰ N̄imtim Dios:

Mich miOmi.

Mich inwat yíp mundo cuando moj iti itumpiy
cosa.

Inwatim jém sin con in̄ci.

¹¹ Cuyajpa jém sin y jém nas, pero mich da nunca
micuyajpa.

Michíypa para siempre.

Wiđáyp jém sin y jém nas juuts tum yooti.

¹² Impacspa jém sin y jém nas juuts tum puctucu.

In̄cucacpa juuts yooti.

Pero mich da nunca micucacpa.

Ni da nunca micuyajpa.

¹³ Dios da nunca iñímáy ni tum sɨnyucmɨpic pɨxiñ juuts iñímáy jém iManc:

Coñi yim ananwimi hasta que manaccoñwɨypa jém íñenemigoyaj.

¹⁴ Jém sɨnyucmɨpic pɨxiñtam tum anama. Icuyoᵱayajpa Dios. Jeeyaj cutsatyajta iga iyoxpátyajiñ jém pɨxiñtam jém ipictsonyajpáppic jém wibic anmati iga ciacputyajtap.

2

Wati cuenta iga da iñchacpa jém wibic anmati

¹ Jeeyucmi wɨ iga más pimi tanwadaytamiñ caso jém wibic anmati jém tammatonnewɨp iga odoy tantsactamiñ jém wibic tuɨ.

² Wiñigam jém sɨnyucmɨpic pɨxiñtam inimiñyaj jém wiñicpic anquímayooyi. Tsam wɨquejpa iga da je migooyi. Jém imalwatneyajwɨp, jém dapic icupicyaj, chiiyajta castigo conforme juuts iwat. Siiga chiiyajta castigo jém dapic icupicyaj jém wiñicpic anquímayooyi,

³ ¿jesic jutsap tançiput taichtam de jém miɨpic castigo siiga da tanwadap caso jém wibic anmati iga Dios wɨap taciacput? Jém tánomi Jesucristo oy yíp naxyucmi iga inmadáy jém pɨxiñtam jém wibic anmati. Jesic ocmi jém imatonneyajwɨp jém wibic anmati tanmadáypatim taichtam iga da je migooyi.

⁴ Dios inquejáytim jém pɨxiñtam iga numa jém inmati con wati jém milagro, jém seña y jém cosa dapic oypa tánix. Jém pɨxiñtam chiiyajtatim jém

Dios iAnama ianamanjom iga wiain iwatyaj juuts ixunpa Dios. Cada tumtum chiitap tungac yoxacuy juuts iwianjam Dios.

Jesucristo wiap iyoxpat jem ipixintam

⁵ Dios da iccámpajém sinyucmic pic pixintam juuts anjagooyiyaj iga injacpa jem jomic pic naxyucmi jem miñpápic, jem siipaap mananmadáy.

⁶ It jut jaycámneta, nimpá:

ManJatun Dios, ¿tiapaap jem pixin iga tsam inñispa?

¿Tiiga tsam inyoxpátpa jem nayñewip yip naxyucmi?

⁷ Inñac jem nayñewip yip naxyucmi juuts da ti wiap, más quetne jem ipimi que jem sinyucmic pic pixintam.

Pero ocmi jem nayñewip yip naxyucmi chiitap autoridad juuts tum mijpic anjagooyi iga injacpa itumpiy cosa jem michpic inwatne.

⁸ Ciijunodayñeta itumpiy cosa iga injacpa.

Cuando Dios ichac iga injacpa itumpiy cosa, da i ni tum cosa jem dapic injacpa. Pero sip danam quejpa iga injacpa itumpiy cosa.

⁹ Jem Jesucristo tsíy tum rato juuts tum pixin da ti wiap. Más da wiap que jem sinyucmic pic pixintam. Pero sip tánixpa iga jem tánomi Jesucristo accámta juuts tum mijpic anjagooyi, tsam cujíptap porque tsam yaachwata cuando accaata cunusyucmi. Agui tatoytampa Dios, jeeyucmi ijic iga accaata jem Jesucristo para itumpiy jem pixintam.

10 Itumpiy cosa jém itwiiip jém Dios imiichi, je iwaṭi. Ixunpa Dios iga jém imanictam iwaganaityajiñtim juṭ wicom, juṭ it Dios. Jeeyucmi ijíc iga tsam yaachwadayta jém tumpic iManic iga wiañ iciput jém pixiñtam.

11 Jém Jesucristo iJatun tanJatunṭim porque tawitsagayta jém tantanca. Jeeyucmi jém Jesucristo da tsaap cuando tanimáypa iga: Mantiwitam.

12 Yimpic nim jém Jesucristo:

ManJatun Dios, ananmadáypa jém antiwítam juutspic miDios.

Manwánáypa jém himno juṭ antuumayajpa jém immanictam.

13 Nintim jém Cristo:

Ich tsam ancupicpa iga Dios wiaap ayoxpát. Eybictim nimpá:

Yim anwaganaitta jém ammanictam, manJatun Dios, jém anchiiñewiip.

14 Tum pixiñ imanictam jextim imayi y jextim iñipiñ. Jesanetim jém Jesucristo, jextim iñipiñ y jextim imayi juuts taichtam. Jeeyucmi miñ juuts taichtam iga wiañ ica. Jempigam iccuyajáy jém Wocciwiñ ipimi jém wiaapaap tacca.

15 Jempigam iwat iga wiañ iciputyaj jém pixiñtam jém icinyajpáppic iga caaba, porque itumpiy ivida tsíyñeyaj idic juuts esclavo.

16 Porque da oy yíp naxyucmi jém Jesucristo iga iyoxpátpa jém sinyucmic pixiñtam, pero oy iga iyoxpátpa jém Abraham imanictam, jém Israelpic pixiñtam.

17 Jeeyucmi tsíy jém Jesucristo juuts jém itiwitam, yíp naxyucmipic pìxiñtam, iga wiañ iwat jém cobacpic panij iyoxacuy jém Dios iwiñjom. Jém Jesucristo tum panij jém tsampic tayaachanjampa y wiaap iccupac titam tajycámayñe. Iccáyáypa jém pìxiñtam itañca iga ipictsóñiñ Dios.

18 Tsam yaachwatta yíp naxyucmi jém tánomi Jesucristo, tsam cutitsta, jeeyucmi wiaap tayoxpáta cuando tacutítstamtap.

3

Más mijpic cargo chiita Jesucristo que jém Moisés

1 Jesic mantiwitam, jém cuáyñewiip iñanama, micupiñneta iga michíytámpa juuts Dios mimichitam. Süp jistaami jém tánomi Jesucristo, jém icutsatnewiip Dios, jém cobacpic panij de jém wibic anquímayooyi, jém tancupicpápic.

2 Cuando oy iti yíp naxyucmi iccupac itumpiy cosa juuts ixunpa Dios, jém iccámnewiip iga iwatpa jém Dios iyoxacuy. Jextim iwat juuts jém Moisés cuando iccupac juuts ixunpa Dios icuwíti jém Dios iticim.

3 Mástim pimi cujíptap Jesús que jém Moisés, juuts jém iwatpápic tum tic más cujíptap que jém tic jém watnetawip.

4 Porque itumpiy ticyaj pìxiñ iwati, pero Dios iwat itumpiy jém ityajwiip.

5 Numa jém Moisés iccupac itumpiy cosa juuts ixunpa Dios. Icuoxa Dios juuts tum mozo icuwíti

jém Dios iticcim. Jém Moisés iyoxacuy iga inmatpa jém anmati jém ocmipic inmatpa parejo jém Cristo.

⁶ Pero jém Jesucristo, jém Dios iManic, imichi jém tic. Taichtam jém tatic. Tsam tamaymay siiga seguido tançupicpa y da tantsacpa iga tananjócpa titam tajycámayñe Dios.

Jejaypa jém Dios ipixiñtam

⁷ Jeeyucmi juuts nimpa jém Dios iAnama:

Siiga yíp jama immatonpa Dios ijyi,

⁸ Odoy camamwati iñanama.

Odoy jistaami iga da incupictámpa juuts iwatyaj jém wiñicpic pixiñtam cuando tsucumyay acontra de jém Moisés jém titsinaxyucmi.

Tsam icutitsyay Dios siiga numa ichiiba castigo.

⁹ Jemic jém wiñicpic iñjatunwewetam tsam acutitsyajpa, nimpa Dios.

Cuarenta amtuy iixyay jém wibic milagro jém anwadayñewip.

¹⁰ Jeeyucmi anjóiix jeeyaj, jém ityajwip jesan tiempo.

Siempre jixitogoyyay ianamanjom, da nunca iixpicayaj jém antun.

¹¹ Jeeyucmi anjóiixyay jeeyaj y anjycámáy iga da nunca tigiyaypa jut wicom jut jejaypa con aich.

¹² Mantiwitam, nawattamtaji cuenta iga ni tum de mimichtam odoy iniidiñ jém malopic jixi iñanamanjom jém mictsacpáppic iga incupicpa Dios jém vivopic.

¹³ Nanquímtamtaji con jém iñtiwítam cada jama iganam it tiempo iga odoy mimigóyayíñ jém tñca

jém itw̄ip íñanamanj̄om iga ni tum de mimichtam odoy michíyĩn juuts enemigo con Dios.

¹⁴ Siiga seguido tañcupicpa iga Dios wiap tayoxpát hasta jém íñanpigam jama juuts cuando moj tañcupic, jesic tanjodon iga tanwaganait jém Cristo.

¹⁵ Jistaami junimpa jém Dios inmati:

Siiga yip jama imatonpa jém Dios ijyí,
odoy camamwati íñanama.

Odoy jistaami iga da incupictampa,
juuts iwatyaj jém wiñicpic pixiñtam cuando tsucumyaj acontra de jém Moisés.

¹⁶ ¿Iapaap jém pixiñtam jém imatonneyajwiip jém Dios inmati, pero ocni tsucumyaj acontra de jém Moisés? Jeetim pixiñtam jém itopneyajwiip jém Moisés jém naxyucmi de Egipto.

¹⁷ ¿Iapaap jém pixiñtam jém tsampic ijóyix Dios cuarenta amtíy? Jém tsampic imalwatyaj, jém caayajwiip jém titsinaxyucmi.

¹⁸ ¿Iapaap ijycámayñe Dios iga da nunca tigiyajpa jém wicom jut jejaypa con je? Jém dapic icupicyajpa.

¹⁹ Jesic tánixpa iga jém wiñicpic pixiñtam da wiá mitigiyaj jém wicom jut jejaypa jém Dios ipixiñtam porque da icupicyaj iga Dios wiap iyoxpát.

4

¹ Dios tajycámayñe iga it tum lugar jut nicpa tajeji con je. Jesic iganam tanait jém promesa, wi iga tanawattamtaiñ cuenta iga waiñ inñigiyta

jém wícom jút jeyyajpa jém Dios ipixiñtam. Wíip algunos de mimichtam da mitigiytámpa.

² Porque taichtam tañmadaytamtatim jém wíbic aňmati iga Dios taciacputpa juuts aňmadayyajtá jém wiñicpic pxiñtam. Pero jeeyaj ixajamatonyaj, da iyoxpátyaj jém wíbic aňmati porque da icupicyaj cuando imatonyaj.

³ Pero taichtam wíap tantigiy jút jeyyajpa jém Dios ipixiñtam porque tañcupic ti tanímáy Dios. Jém dapic icupicpa da wíap itigiyayaj. Nímpa Dios: Tsam pími ajóyñe jeeyucmi anjycámáy jém pxiñtam jém dapic acupicyajpa iga da nunca tigiyaypa jút jeyyajpa.

Da ijícpa Dios aunque cupacneum jém lugar dende moj íti yíp mundo.

⁴ It jút nímpa jém Dios inmati:

Jeypa Dios jém sietepic jama cuando cupacneum itumpiy jém iyoxacuy.

⁵ Eybictim nímpa jém Dios inmati:

Da nunca tigiyaypa jút jeyyajpa con aich.

⁶ Pero tigiypanam algunos jút jeyyajpa. Pero jém wiñicpic pxiñtam, jém mojjwíip imatonyaj jém wíbic aňmati, da tigiyaypa porque da icupicyaj.

⁷ Jesic eybic icupin Dios tum jama cuando jém pxiñtam wíap itigiyayaj jút jeyyajpa. Siip núcneum jém jama. Nímpa así jém David:

Yíp jama siiga immatontámpa ti nímpa Dios, odoj camamwati íñanama.

⁸ Meega jém Josué wíá mu ininicyaj jém Israelpic pxiñtam jút jeyyajpa, jesic da eybic nímpa Dios iga miñpa tunjac jama.

9 Tanjodon iga tsíyñam jut jejaypa jém Dios ipixiñtam.

10 Porque cuando tigiypa tum pxiñ jut jejaypa jém Dios ipixiñtam, jesic quejpa iga yajum iwat jém iyoxacuy jesanetim juuts Dios jejpa cuando yaj iwat jém iyoxacuy cuando iwat yíp mundo.

11 Jesic wí iga tanwattámpa empeño iga tatigiytámpa jut jejaypa jém Dios ipixiñtam. Wíp iwatyajpa algunos juuts iwatyaj jém pxiñtam jém dapic icupicyaj titam iñímáy Dios.

12 Jém Dios inmatí vivo y tsam iniit ipimi. Tsam tsupa, más que jém espada jém icudosladopic añmejne. Jém Dios inmatí tigiypa hasta más jojmí jém pxiñ íanamanjom y íixianjom. Tigiypa hasta jém pxiñ ipactopaanjom hasta jém pac ituupaanjom. Tanquejáypa siiga wí jém tanjixi o da wí.

13 Da i ni tum cosa añécne jém iwatnewíp Dios, je wíap íix. Cuchichayñeta itumpiy cosa, ányáñe iga wíap íix Dios. Itumpiy ijodon Dios titam tanwatpa, tienes que ciipintap.

Jesús jém más mijpic cobapic panij

14 Taich tanaitta tum cobapic panij jém más mijpic, je jém Jesús jém Dios iManic. Nic sinyucmí jém Dios iwiñjom iga tacupujpa. Jeeyucmí wí iga da tantsacpa iga tancupicpa juuts tannímáyne.

15 Porque tanaitta tum cobapic panij tsam tayaachanjampa cuando danam wíap tanwat itumpiy juuts ixunpa Dios, porque tsam yaacha, tsam pími cutítsta jextim juuts taichtam, pero je da nunca táncawat.

¹⁶ Jeeyucmi tañcunúctámpa sin c̄iñi juṭ coñ jém tanJatun̄ Dios, jém tsampic̄ tatoypa. Je tsam̄ tayaachanjampa taichtam̄ porque agui tawix̄pa y wiap̄ tayoxpát̄ juchixquej.

5

¹ Itumpiȳ jém cobacpic̄ panij̄ cupiñneyajtā yíp̄ naxyucmi, accámnetā̄ iga ichiiba Dios jém ofrenda y jém sacrificio para jém p̄ixiñtam̄ itāñca.

² Wiap̄ iyaachanjam̄ jém dapic̄ jixiyyaj, jém to-goyñeyajwiip̄, wiaptim̄ icutiñ. Ijampatim̄ cuando cutitstap̄.

³ Y como tñcaíȳtim̄ jém panij̄, iccaaba jém animat̄ iga iyojpa jém itāñca, jempictim̄ iwatpa para jém p̄ixiñtam̄ iga iyojáypa jém itāñca jém Dios iwiñjom̄.

⁴ Dā i wiap̄ iniccám̄tā iyaac̄ iga panij̄. Solamente Dios wiap̄ iccám̄ iga panij̄, juuts̄ iccám̄ jém Aarón.

⁵ Jesanetim̄ jém Cristo. Da naccám̄tā iyaac̄ iga jém cobacpic̄ panij̄, pero Dios iccám̄. Ním̄aytā:

Mimich̄ mammanic̄. Yíp̄ jama mammanigap̄.

⁶ Juuts̄ n̄impa jém tun̄gac̄ áñeȳmi, juṭ̄ jayñetā:

Mich̄ mipanij̄ para itumpiȳ tiempo.

Da nunca miputpa.

Mijextim̄ juuts̄ jém wiñicpic̄ panij̄ jém Melquisedec.

⁷ Cuando jáȳ it̄i yíp̄ naxyucmi jém Jesucristo, tsam̄ in̄wejpát̄pa Dios, iwágáypa iga iyaachanjaamiñ. Pimī j̄ȳpa, agui wejpa cuando iwágáypa jém wiapaap̄ iciacput̄ cuando accaatap̄. Matón̄aytā jém Cristo porque iccupacpa juuts̄ iñimayñe Dios.

⁸ Mex iga jém Dios iManic, inyuj iga iyaachýpa cuando yaachwattap iga más wiap iwat itumpiy cosa juuts ixunpa Dios.

⁹ Jesic yajum iwat jém Cristo itumpiy juuts ixunpa Dios, jesic wiap iciacputyaj itumpiy jém pixiñtam jém icupicneyajwiip.

¹⁰ Dios iccám jém Jesucristo iga cobacpic panij juuts jém Melquisedec.

Acjodónata iga odoy ichaguiñ jém Dios inmati

¹¹ Tsam jáyan cosa manañmadaytamtooba de jém Cristo, pero tsam tánca manañmadáy porque mimichtam agui tánca incutiiyíyta.

¹² Wiñgam moj incuyucata jém Dios inmati. Wiabam idic iga michíyta juuts maestro. Pero siip eybic inxunpa iga minquejaytaiñ jém anquímayooyi dapic tánca. Como eybic incuyucatooba jém Dios inquímayooyi dapic tánca, mijex juuts tum tsixi jém iucpáppic leche, jém dapic wiap icút wíccuy.

¹³ Jém iucpáppic leche tum tsixi, jex juuts jém dapic icutiiyíyta jém wibic anmati.

¹⁴ Pero jém wíccuy para jém tsamipic, jém wiapaap icutiiyíy jém anquímayooyi, wiap iciipin jup jém wibic y jup jém malopic.

6

¹ Jempigam tanwattámpa hasta tanúcpa juuts tum pixiñ jixiiywíip. Da eybic tançuyucasetpa jém Cristo inquímayooyi jém mojjwíip tançuyujca. Da tanatsucumsetpa eybic jém base. Da eybic tançuyujcaaba jutsap tantsac jém wiñicpic costum-bre jém taccaapáppic, porque tantsacneum. Da

eybíc tañcuyjcaaba jutsap tañcupíc Dios porque tañcupícneum.

² Da eybíc tañcuyjcasetpa jutsap icchiñta jém Dios ipixiñtam, ni jém costumbre cuando jém pastor ichiccunúc ici jém icobacyucmi jém icupícnewiip Cristo, ni jutsap icpísyajta jém caaneyajwiip, ni jém anquímayooyi iga cñpiñyajtap jém pixiñtam y chiitap castigo jém dapíc cuyajpa.

³ Jempigam tañwattámpa siiga Dios iwianjam.

⁴ Siiga tum pixiñ ipictson jém wibíc juctianjtsoca, y ixucneum iga agui wí jém wibíc xaja, jém tachiñnewiip Dios, y ipictsonneum jém Dios iAnama,

⁵ agui iwianjam jém Dios inmati y iixñetím iga tsam wí jém Dios ipimi jém miñpáppíc tachiiba.

⁶ Siiga eybíc cutiñpa jém pixiñ, da eybíc wiap ichucum. Da eybíc icucacpa jém ijixi. Porque jeeyaj iyaac síp icunúñyaj cunusyucmi jém Dios iManic, tsam ixaayíyyajpa jém pixiñtam iwiñjom,

⁷ jex juuts jém nas jém iucpáppíc tuj. Siiga wíputpa jém ñipñibooyi, jesic wí para jém pixiñtam jém iyoxacapaap y Dios ichi bendición jém nas.

⁸ Pero siiga chióypa jém apityaj y jém malopíc pim, da para ti wí. Ichiiba castigo Dios, ocmi nooquettap.

Siiga seguido tañcupícpa, da i wiap tactsac jém Dios inmati

⁹ Pero mex iga manañmadáypa jempíc, mantíwítam, mantoytampáppíc, anjodon iga michtam iniitta jém más wibíc bendición, jém tachiñnewiip Dios cuando taciacputpa.

¹⁰ Porque numcñpíñóypa jém tanjatun Dios. Jeeyucmi da ijaamanotpa títam inwatneta y iga

hasta siip tsam iñyoxpáttámpa jém iñt̄iwitam jém icupicneyajw̄ip Cristo porque tsam iñtoytámpa Dios.

11 Pero ansuntámpa iga cada tumtum de mimichtam seguido in̄w̄iwattámiñ con itump̄iy iñanama hasta jém íñan̄pigam jama hasta que iccupacpa Dios titam taj̄ycámayñe.

12 Da ansunpa iga micutíñatámiñ, pero ansunpa iga in̄wattámiñ juuts jém pixiñtam jém injócyajpáppic titam ij̄ycámayñe Dios. Ipictson̄yajpa porque seguido icupicyajpa iga Dios wiap iyoxpát. Iyaachyyajpa cuando da jobit cupacpa jém promesa.

13 Cuando Dios ij̄ycámayñe jém Abraham, iñímáy: “Ich anyaac man̄j̄ycámáypa anniyimi iga man̄w̄iwadáypa.” Da i tungac más wiapaap, jeeyucmi n̄impa: “Ich anniyimi.”

14 N̄impa Dios: “Numa, tsam p̄imi man̄w̄iwadáypa. Manchiiba tsam jáyan iñocman̄ictam.”

15 Jém Abraham tsam iyaachíypa, injócpa hasta que ipictson̄pa titam ij̄ycámayñe Dios.

16 Cuando jém pixiñtam ij̄ycámpa, n̄imyaj: Wijodios porque ijodon̄ iga Dios más wiap que jeeyaj y wiap ichi castigo siiga da iñuuman̄matpa. Siiga i ichacpa Dios juuts tum̄ testigo iga da migóypa, jesic da ti más wiap iñimyaj.

17 Dios in̄quejáy jém pixiñtam jém ipictson̄yajpáppic jém herencia iga iccupacpa juuts ij̄ycámayñe y da nunca icucacpa ij̄xi. Jeeyucmi iyaac ij̄ycám iga da migóypa.

18 It w̄ist̄en cosa jém dapic cucacpa, con jeam

quejpa iga Dios da miꝑóypa. Jeeyucmi tanaittámiñ tum wibic maymáyaꝑi iganam tananjócpa iga Dios tayoxpátpa.

¹⁹ Yíp esperanza tsíy juuts ancla para jém tánanama, wicámne iga odoy tantsaguiñ jém Dios inmaꝑi. Tayoxpátpa iga tanúcpa jém Dios iwiñjom, jém puctuctaañi iweñtaꝑ, jém siꝑyucmiꝑic masticjom,

²⁰ juꝑ tigiyñe jém Jesús por taichtam iga táñáyáy jém tuꝑ. Je tsíy juuts tum paꝑij jém daꝑic nunca putpa, jextim juuts jém Melquisedec.

7

Jesús cobacꝑic paꝑij jextim juuts jém Melquisedec

¹ Yíp Melquisedec rey de jém atebet Salem, jém yucmiꝑic Dios ipaꝑij. Oy jém Abraham icucaayyaj jém tunꝑac piꝑiñtam ireyyaj. Jesic cuando set jém Abraham, jém paꝑij nic ichoꝑ tunjom. Inwejpát Dios para jém Abraham iga iwíwadáyíñ.

² Cuando icoñwíy jém Abraham juꝑ oy áꝑaꝑi, jesic itobáy jém reyyaj imiꝑchi. Jesic cuando ipát jém Melquisedec, ichi jém décima parte de itumpiy jém itopnewiꝑ. Jém Melquisedec iñiyi nimtooba jém rey jém iwíwatpáꝑpic. Tsíy juuts rey de Salem, taichtam tanaꝑmaꝑimí nimtooba jém ijacpáꝑpic jém pleito.

³ Jém Melquisedec da jaꝑtuꝑiy ni da aabíy. Datim i ijodon juꝑ tsucum. Da i ijodon juchix nay ni juchix

caaba. Jex juuts jém Dios iMānic, da nunca putpa iga pañij.

⁴ Jistaami iga agui mǎjpic cargo iniit jém Melquisedec. Porque jém tanjatunwewe jém Abraham ichi jém décima parte de itumpiy jém itobayñewǎj jém reyyaj.

⁵ Jém Israelpic pañiyaj, jém Leví iocmanictam, iniit jém añquímayooyi iga ipictsonyajiñ jém décima parte de itumpiy jém iniitwǎj jém itiwitam, jém Israelpic pǎxiñtam. Jeeyaj ijatunwewetim jém Abraham.

⁶ Pero jém Melquisedec, mex iga da je jém Leví iocmanic, ipictson jém décima parte jém ichiiwǎj jém Abraham. Y ocmi inwejpát Dios iga iwǎwadáy jém Abraham. Jeetim Abraham jém iwadayñewǎj Dios jém promesa.

⁷ Quejpa iga jém ichiipáppic bendición iniit más mǎjpic cargo que jém ipictsonpáppic jém bendición.

⁸ Yim entre mimichtam, jém ichécpáppic jém décima parte, pǎxiñtim, caabatim. Pero jut ijaychacne jém Dios inmati, inmatpa de jém Melquisedec juuts tum pǎxiñ dapic caaba.

⁹ Wiap tanim iga jém Leví con itumpiy iocmanictam, jém pañiyaj, ichiiyajtım jém Melquisedec jém décima parte jeeti rato cuando jém Abraham ichi jém décima parte.

¹⁰ Cuando jém Melquisedec nic ichon jém Abraham, jextim juuts jém Abraham iniit imǎjtayyucmi iocmanic jém Leví mex iga danam nayñe.

¹¹ Jém Levitapic pañiyaj ichiiyaj jém Moisés inquímayooyi jém nación de Israel. Levitapic pǎxiñtim jém Aarón. Jesic meega jeeyaj wiǎ

mu iwĩtsagayyaj jém p̄ixiñtam itañca, jém icupicneyajw̄ip̄ jém Moisés in̄químayooyi, jesic da tansunpa iga miñpa tun̄gac pañij juuts jém Melquisedec y da jex juuts jém Aarón.

12 Porque cuando cucacum jém pañij, tienes que cucacpatim jém añquímayooyi.

13 Cuando n̄impa iga miñpa tun̄gac pañij, in̄matpa de jém tán̄omi Jesucristo. Da je levitap̄ic p̄ixiñ. Tun̄gac grupo de jém Israelp̄ic p̄ixiñtam tsucum, jém dap̄ic queman ì iccám juuts pañij.

14 Porque tsam tañw̄ijodon̄ iga jém tán̄omi tsucum de jém tribu de Judá. Jém Moisés da in̄mat iga tsucumpa pañijyaj de jém tribu.

15 Tsam w̄iquejpa iga jom̄ip̄ic pañij porque jex juuts jém Melquisedec.

16 N̄impa jém Moisés in̄químayooyi iga tsucumpa jém pañijyaj de jém levitap̄ic p̄ixiñtam. Pero ȳip̄ jom̄ip̄ic pañij da tsucum juuts n̄impa jém añquímayooyi, pero accám̄ta juuts pañij porque iniit̄ jém vida jém dap̄ic cuyajpa.

17 Porque in̄matpa así Dios de jém tán̄omi Jesucristo:

Mich tum̄ mipañij, da nunca miputpa.

Mijex juuts jém Melquisedec.

18 Jesic jém wiñ̄icp̄ic añquímayooyi cuyajum. Da wiap̄ iyoxpát̄ jém p̄ixiñtam. Da para ti w̄i.

19 Ȳip̄ añquímayooyi da wiap̄ iw̄ĩtsagáy ni tum̄ p̄ixiñ itañca. Pero sīp̄ núcneum̄ tum̄ p̄ixiñ más wiap̄. Tananúc̄pa jém Dios iwiñjom̄.

20 Dios ij̄ycám̄ayñe iga iccám̄ jém iMan̄ic juuts pañij.

²¹ Jém levitapic pixiñtam cuando accámta juuts panij, Dios da tsíy juuts testigo iga accámta. Pero Dios tsíy juuts testigo iga accámta jém iManic juuts panij. Nĩmpa así jém Dios inmafi:

TanJatun Dios ijycámáy y da nunca icacsetpa ijixi.

Nĩmpa:

“Sĩp manaccám juuts tum panij.

Da nunca miputpa.

Mijex juuts jém Melquisedec.”

²² Jeeyucmi tanjodon iga Jesús wiap iccupac jém más wibic trato.

²³ Jém tunjacpic panij, jém levitapic, tsam anpicayaj, tsam jáyaña. Porque jeeyaj caayajpa, da wiap ichíy seguido juuts panij.

²⁴ Pero Jesús da caaba. Da nunca putpa iga panij, da iccampa tunjac.

²⁵ Jeeyucmi wiap iciacputyaj para siempre itumpiy jém icunúcyajpáppic Dios porque icupicneyaj Jesús. Porque je da nunca caaba. Itpa para siempre iga icupujpa jeeyaj Dios iwiñjom.

²⁶ Yicxpíc cobacpic panij wiap tayoxpáta porque tsam iwíwatpa, datim táncaiy, cuáyne ianama, da jex ijixi juuts jém malopic pixiñtam. Nanicta más yucmi de yíp sin hasta jut it jém tanJatun Dios.

²⁷ Da jex juuts jém tunjac panij jém levitapic. Jeeyaj iccaaba cada jama jém animat iga iyojáypa jém pixiñtam itánca. Wiñti iyojpa iyaac jém itánca, ocmi iyojáypa jém pixiñtam itánca. Pero Jesús tunçiy iyojáy jém pixiñtam itánca para siempre cuando ijic iga accaata.

28 Jém wiñicpic anquímayooyi iccám juuts panij tum pixiñ táncaiywiiip. Pero más ocmi de jém wiñicpic anquímayooyi, jém tanjatun Dios iccupac juuts ijiycámne, iccám iManic juuts panij. Iniit itumpiy jém wibic jixi para siempre.

8

Jém Jesucristo wiap tacupuj

1 Mananmadáy jempic porque mannímaytamtooba iga tanaitta tum cobacpic panij siñyucmi. Siip coñ jém trono inwimi jut injacpa tanjatun Dios.

2 Yíp panij icuyoxap Dios jém wicom jut it jém Dios ipimi, jém nunta mastic jém iwatnewiip Dios. Da jém pixiñtam iwati.

3 Itumpiy jém cobacpic panij accámyajta iga nicpa ichac jém ofrenda y jém sacrificio jém Dios iwiñjom. Jeeyucmi yíp panij tienes que ininipatim tum ofrenda jém Dios iwiñjom.

4 Meega itpa yíp naxyucmi, da wiap icháy juuts panij porque yim it jém panijyaj, wiap nicpa ichacyaj jém ofrenda juuts nimpa jém Moisés inquímayooyi.

5 Yípyaj panijyaj icuyoxayajpa Dios yíp naxyucmic masticjom, iforma jex juuts jém nunta mastic jém itwiiip siñyucmi. Tanjodon iga jex juuts tum cuwiñ porque cuando jém Moisés iwat jém puctucmastic, iñímáy Dios: “Wati juuts jém mananquejayñewiip jém cotsicyucmi.”

⁶ Pero siip yíp siñyucmipic pañij ipictsonj más wibic yoxacuy que jém wiñtipic pañij. Siip tacupu-
jpa con jém más wibic trato que jém wiñicpic
porque watnetā de acuerdo con jém más wibic
promesa.

⁷ Meega jém wiñtipic trato tawitsagáy tantāñca,
jesic da idic tansunpa tunḡac trato.

⁸ Pero Dios iix iga jém wiñtipic trato da wiap
iyoxpát jém p̄ixiñtam. Niimpa juṭ jayñeta jém Dios
iñmaṭi:

Niimpa tanḡatunḡ Dios:

Núcpa jama iga aṅwatpa jém jomipic trato con
jém ityajw̄ip jém naxyucmi de Israel y jém
naxyucmi de Judá.

⁹ Yíp trato da jex juuts jém aṅwadayñew̄ip jém
ijatunḡeweyaj jém jama cuando ammatsáy
ici iga antopyaj jém naxyucmi de Egipto.

Pero como jeeyaj da iccupacyaj jém wiñtipic trato
jém aṅwadayñew̄ip,
jeeyucmi ich antsactim mex jeeyaj, niimpa Dios.

¹⁰ Yíbam jém jomipic trato jém aṅwatpáppic con jém
nación de Israel cuando núcpa jém jama.

Niimpa así jém tanḡatunḡ Dios:

Anaccámpa jém anañquímayooyi jém ijixianj̄om y
anjaycámáypa iānamanj̄om.

Y jém p̄ixiñtam ich aDiosyaj.

Y jeeyaj ich amp̄ixiñtam.

¹¹ Cuando núc jém tiempo, da j̄ iñquejáypa jém
ivecinoyaj ni jém it̄iwitam iga: Ixp̄ici jém
tán̄omi.

Porque itumpiy jém p̄ixiñtam aixp̄icyajpa jém xutupic y jém m̄j̄tampic.

¹² Anwadáypa perdón iga agui imalwatneyaj.

Da nunca anj̄isáypa jém itañca.

¹³ Cuando Dios in̄matpa de tum jomipic trato, quejpa iga dam más tayoxpátpa jém pecapic, da jáyñe iccuyajpa.

9

Jém naxyucm̄ipic mast̄ic y jém siñyucm̄ipic mast̄ic

¹ Jém wiñtipic trato iniit jém anquímayooyi jutsap tanj̄is Dios jém lugar j̄ut it jém Dios ip̄imi ȳip naxyucm̄i.

² Watt̄a jém puctucmast̄ic con w̄isten cuarto. Jém wiñtipic cuarto in̄iyi jém lugar j̄ut it jém Dios ip̄imi. Jem it jém nooquej̄cuy tuncuy, jém mesa y jém caxtánañi jém Diosp̄ic im̄ichi.

³ Iweñtañ de jém tun̄gac puctuctaañi it jém tun̄gac cuarto in̄iyi jém lugar j̄ut núcpa Dios.

⁴ Jem it tum altar de oro j̄ut nootap jém poma. Ittim jém baúl j̄ut tsact̄a jém wiñtipic trato. Cutsitnet̄a icum̄ij jém baúl con oro. Jém baúljom it tum xanu de oro j̄ut cotta jém w̄iccuy, jém maná. Jém baúljom ittim jém Aarón iwaycuy jém an̄nayñew̄ip y jém tsaatabla j̄ut jayñeta jém diez anquímayooyi jém wiñtipic trato.

⁵ Jém baúlyucm̄i it w̄isten jém saj̄iyw̄ip, jém querubines. Tanquejáypa iga jemum it Dios. Jemum núcpa jém Dios ichoca. Itimne ixaj, icujimne jém lugar j̄ut tsactap jém sacrificio j̄ut yojaytap

jém p̄ixiñtam itánca. Pero s̄ip da i tiempo iga mañw̄iañmadáypa itump̄iy ȳípyaj cosa.

⁶ Jesic cuando w̄itsacne itump̄iy cosa así, seguido tiḡiyajpa jém pañijyaj jém wiñtipic cuarto iga iwatyajpa juuts n̄impa jém wiñcpic añquímayooyi.

⁷ Pero jém tungac cuarto, no más jém cobacpic pañij w̄iap itiḡiy. Cada amt̄iy tiḡiyapa tun̄ciy. Da w̄iap itiḡiy sin n̄ipiñ iga iyojpa jém itánca, ocmi iyojáypatim jém p̄ixiñtam itánca.

⁸ Jempigam tanquejáy jém Dios iAnama, iganam it jém wiñtipic puctucmastic, danam quej jém tun̄ hasta jut it jém tanjatun̄ Dios, jém lugar cuáyñew̄ip.

⁹ Itump̄iy ȳípyaj cosa ts̄iy juuts tum ejemplo para s̄ip. Jém ofrenda y jém sacrificio jém chiiñetaw̄ip Dios da iñuntaw̄itsagáy jém p̄ixiñtam itánca jém iwatnew̄ip jém sacrificio iga cuáypa ianama.

¹⁰ Jém sacrificio y jém ofrenda je nada más asunto de w̄iccuy y n̄iccuy y jutsap icheeyaj im̄itay según jém wiñcpic costumbre hasta que Dios icjoomasetpa itump̄iy cosa.

¹¹ Pero s̄ip miññeum jém Cristo, jém cobacpic pañij. Im̄ichi itump̄iy jém más w̄ibic cosa, jém miñpáppic. Ȳip mastic jut yoxap jém Cristo más w̄iti y más w̄ibic. Da je jém p̄ixiñ iwati, da je ȳip naxyucm̄ipic.

¹² Tiḡiy tun̄ciy jut it Dios para siempre. Da ininic jém chivo iñ̄ipiñ ni jém becerro iñ̄ipiñ, pero iyaac ininic jém iñ̄ipiñ iga iyojáy jém p̄ixiñtam itánca iga ipictsonyajiñ jém vida jém dapic cuyajpa.

13 Jém becerro iñ#piñ y jém chivo iñ#piñ cux-icstap jém p̄ixiñtam iga cuáyiñ jém imijtay. Jém becerra icuyjam, jém noonetaw̄w̄ip jém altaryucmi, cuyintap jém p̄ixiñtam iga cuáyiñ jém imijtay. Jém n̄ipiñ y jém cuyjam iyoxpátpa jém p̄ixiñtam iga cuáyiñ jém imijtay según jém costumbre.

14 Pero más w̄i jém Cristo iñ#piñ. Porque jém Dios iAnama, jém dap̄ic cuyajpa, iyoxpát jém Cristo cuando iyaac nachiit̄a juuts sacrificio sin t̄añca. Jém iñ#piñ tacujicháyáypa t̄añanama iga da más tanjs̄pa jém wiñ̄icp̄ic añquímayooyi, jém dap̄ic tayoxpátpa. Sīp wiap̄ tan̄cuyox̄a jém vivop̄ic Dios.

15 Jeeyucmi jém Cristo wiap̄ tacupuj con jém jomip̄ic trato. Ichiiba jém vida jém dap̄ic cuyajpa itump̄iy jém icupiñneyajw̄ip Dios juuts ij̄ycámayñe. Wiap̄ iwat̄ jemp̄ic porque accaatā iga iyojáy itump̄iy jém p̄ixiñtam it̄añca, jém dap̄ic wiap̄ iw̄itsac jém wiñ̄tip̄ic trato.

16 Siiga tum̄ p̄ixiñ iwatpa trato con iman̄ic iga ichiiba itump̄iy jém jeep̄ic im̄ichi cuando caaba, jesic tienes que ixtap̄ iga caaneum. Ocmi jém iman̄ic wiap̄ ip̄ictson̄ titam ij̄ycámayñe.

17 Tum̄ trato da inij̄ ip̄imi siiga danam caane jém iwatnew̄ip jém trato. Pero cuando caaneum jém p̄ixiñ, jesic iniitum̄ ip̄imi jém trato.

18 Jeeyucmi accaayaj̄ta jém animatyaj iga con iñ#piñ iniidiñ ip̄imi jém wiñ̄tip̄ic trato.

19 Cuando jém Moisés yaj in̄madáy jém p̄ixiñtam itump̄iy jém añquímayooyi, ip̄ic jém becerro iñ#piñ con jém chivo iñ#piñ, inimot con ni. Ip̄ic jém hisopo in̄cis, ichen con jém tsabat̄sp̄ic lana, icot n̄ipiñjom̄, con jeam icuxics jém toto jut̄ jayñet̄a jém

añquímayooyi. Icuxicstim itumpiy jém pixiñtam.

²⁰ Iganam iwatpa jempic jém Moisés, iñimáy jém pixiñtam: “Con yíp nipiñ quejpa iga jém trato iniit ipimi jém Diospic tawadayñe para taichtam.”

²¹ Jém Moisés icuxicstim con jém nipiñ jém puctucmastic y itumpiy jém traste juť ijisyajpa Dios.

²² Porque nimpa jém wiñicpic añquímayooyi iga casi itumpiy cosa tienes que cuáypa con jém nipiñ. Siiga da itegáypa jém nipiñ, jesic da i imatónáypa jém itánca.

Accaatá jém Cristo iga tajoáy tantánca

²³ Jeeyucmi ixunpa jém sacrificio iga cuáyíñ jém cuwiñ de jém cosa jém itwíp sñyucmi, pero jém sñyucmicic cosa ixunpa más wibic sacrificio que jém watnetawíp yíp naxyucmi.

²⁴ Jesic cuando jém Cristo tajoáy tantánca, da iwat yíp naxyucmicic masticjom jém iwatnewíp jém pixiñtam. Porque jém puctucmastic nada más tum cuwiñ de jém nunta mastic jém itwíp sñyucmi. Pero tigiy jém Cristo sñyucmi, icunúc jém tanjatun Dios iwiñjom iga tacupujpa.

²⁵ Da tigiy jém sñyucmicic masticjom iga iwatpa watciy jém sacrificio juuts jém cobacpic panij iwatpa cada antiy con jém nipiñ dapic imiichi.

²⁶ Porque siiga da wiap iwat tunciy jém sacrificio, jesic tienes que watciy accaatap jém Cristo dende watta yíp mundo. Pero da iwat jempic. Siip cuando núctooba jém iñanpigam jama wiñquej jém Cristo. Iyaac nachiiťa iga accaatá iga iccáyáypa jém pixiñtam itánca.

27 Dios ichac iga tuñciy caaba itumpiy jém pixiñtam y ocmi cipiñtap, chiitap castigo jém malopic.

28 Jesanetim tuñciy nachiita jém Cristo iga accaata iga iccáyáypa jáyan jém pixiñtam itañca. Ocmi wiñquejpa eybic yíp naxyucmi jém Cristo. Dam miñpa iccáyáy jém pixiñtam itañca, miñpa iciacputyaj jém injócneyajwip.

10

1 Jém Moisés inqúimayooyi juuts tum cumuñci de jém wibic cosa jém miñpáppic. Da nunta numa jém cosa jém miñpáppic ocmi, jém anqúimayooyi no más tum cuwiñ. Jém Moisés inqúimayooyi da wiap iwitsagáy jém pixiñtam itañca jém icunúcneyajwip Dios con jém sacrificio jém iwatyajpáppic cada amtiy.

2 Meega jém anqúimayooyi wiap iciacput jém pixiñtam, jesic da eybic iwatyajpa jém sacrificio porque una vez witsacnetawum itañca jém iwatneyajwip jém sacrificio, da más ijampa iga táñcaíy.

3 Pero cuando iwatyajpa jém sacrificio cada amtiy, ijisyajpa iga táñcaíy.

4 Porque jém toro iñpiñ y jém chivo iñpiñ da nunca wiap iccáyáy jém pixiñtam itañca.

5 Jeeyucmi cuando miñ yíp naxyucmi jém Cristo, iñímáy tanjatun Dios:

Mich da inwianjam jém sacrificio ni ofrenda.

Pero anchi jém ammiñtay iga accaatap.

⁶ Datim inwianjam iga nooquettap jem animat jem altaryucmi ni jem sacrificio iga accáyaytaiñ jem pixiñtam itañca.

⁷ Jesic ocmi anim:

“Yim aif iga anwatpa juuts mich inwianjam, manJatun Dios, juuts jayñeta jem librojom de aich.”

⁸ Wiñti nim jem Cristo iga: “Mich da inwianjam jem sacrificio, ni ofrenda, ni jem animat nooquettapaap jem altaryucmi, ni jem sacrificio iga accáyaytaiñ jem pixiñtam itañca.” Mex jem wiñtipic anquimayooyi ipimíypa jem pixiñtam iga iwatyajjñ.

⁹ Ocmi nimitim jem Cristo: “Ich amiñ yim iga anwatpa juuts mich inwianjam, manJatun Dios.” Yip nimtooba iga Dios iccáypa jem wiñtipic, iccámpa jem ocmipic.

¹⁰ Cristo ijic iga accaata tunçiy para itumpiy jem pixiñtam. Jeeyucmi Dios tacujicháyay tánanama.

¹¹ Itumpiy jem Israelpic panijyaj iwatyajpa cada jama jem masticjompic yoxacuy. Seguido iwatyajpa jeetim sacrificio, mex da nunca wiap iccáyay jem pixiñtam itañca.

¹² Pero jem Jesucristo tunçiy ijic iga accaata iga iyojáy jem pixiñtam itañca para siempre. Jesic ocmi nic coñi jem Dios inwimi.

¹³ Jemum sip injóc hasta que Dios icoñwíypa jem ienemigoyaj.

¹⁴ Tunçiy chióy imijtay juuts ofrenda iga accaata jem cunusyucmi iga iwitsagáy jem pixiñtam itañca iga iccuáyay ianama para siempre.

15 Jém Dios iAnama tañmadáytim jempic porque nimpa:

16 Ocmi ich añwatpa tuñgac trato con jeeyaj cuando núcpa jém tiempo.

Nimpa Dios:

Anaccámpa jém anañquímayooyi jém pxiñtam ianamanjom.

Anjaycunúcpa ijixianjom.

17 Nímtim Dios:

Da nunca anjisáypa jém pxiñtam itáñca, da nunca anjspa iga agui imalwatne.

18 Cuando tawadayñetawum perdón jém tantáñca, da eybic ixunpa Dios iga tañwatpa sacrificio iga tanyojpa jém tantáñca.

Wí iga tañcunúctamiñ Dios

19 Jeeyucmi mantiwitam, siip da taciñpa. Wiap tantigiy jém Lugar Cuáyñewiip, jut it Dios, porque jém Jesucristo itegáy iñiipiñ para taichtam.

20 Siip tanaít jém jomipic tuñ, jém vivopic, jut wiap tantigiy jut it Dios. Porque Cristo ináy jém puctuctaañi iga wiain tannas jém iweñtañ. Jém puctuctaañi nimtooba jém Cristo imijtay cuando accaata.

21 Tanaít tum mijpic tampanij, jém cobapic, injjacpa jém Dios iticmi icutero.

22 Jeeyucmi wiap tañcunúcta Dios con tum wibic tánanama, tannuntawicupicpa Dios. Tacujicháyayñetawum tánanama iga da más tañjsa jém tantáñca. Tacutseayñetawum jém tammijtay con jém wibic ni.

23 Seguido tanañjóctámpa iga Dios taciaputtámpa. Da tantsactámpa iga

tañcupictámpa porque Dios iccupacpa juuts tajíycámayñe.

²⁴ Wí iga tammétstámiñ jutsap tanayoxpáttamta con jém tantíwítam iga tanatoytamtaiñ, iga tawíwadaytámiñ i quej.

²⁵ Da tantsactámpa iga tañtuumatámpa con jém tantíwítam juuts iwatyajpa algunos jém dapic añtuumayajpa. Wí iga tanañquímtamtap iga tañwattámiñ juuts ixunpa Dios y más siip porque quejpa iga dam jáyñe miñpa jém tánomi.

²⁶ Siiga inwianjam iga seguido inwatpa táñca cuando inwijodon jém numapic añquímayooyi, dam i tunjac sacrificio iga miyojáypa iñtáñca.

²⁷ Tsíy no más jém mijpic castigo jém tsampic iyaachwatpa ienemigoyaj juuts ijíycunúcne Dios, yajpa iccucaáy jém juctjom jém aguipic yótpa.

²⁸ Wiñigam siiga tum píxiñ da iwatpa juuts nimpa jém Moisés inquímayooyi, siiga it wisten o tucuten testigo iwiñpacchiiba, jesic jém píxiñ ac-caatap, da i iyaachanjampa.

²⁹ Jístaami iga tsam mijpic castigo ichiiba Dios tum píxiñ siiga nimpa iga da ti cuwatcuy jém Dios iManic, y siiga tsam ijóyixpa jém Cristo iñipiñ de jém jomipic trato, jém iccuáyñewiip jém píxiñ íanama. Chiitaptim mijpic castigo siiga i imalnímáypa jém Dios íAnama jém tañquejaypáppic iga tsam tayaachanjampa Dios.

³⁰ Tánixpicpa jém nimnewiip: “Ich anait derecho iga antségáypa jém malopic píxiñtam itáñca, ich anacyojpa iga imalwatyaj.” Nímtim: “Dios icípiñpa jém ipíxiñtam.”

³¹ Cíñi iga micutiñpa jém vivopic Dios icíijom.

³² Pero jistaami jém jama jém nasnewiip cuando mimichtam yaguiñ impictsonṭa jém juctianṭsoṭa. Tsam micutitstamṭa. Iñyaachiyta cuando iññascata jém mijpic yaachaji.

³³ Algunos de mimichtam tsam mimalnímaytamṭa y mimalwadaytamṭa jém pixiníámanjom. Miwagayaachaṭim con jém iñnamigoyaj cuando iñascayaj jempic.

³⁴ Mimichtam, tsam iñyaachanjamta jém pajneyajṭawip. Da minyácneta cuando miccáyayṭa jém iññic o itumpiy jém iniitwip, numa agui mimaymaytam. Porque iñjodonṭam iga iniitta jém tsam wítampic cosa siñyucmi jém ḍapic nunca cuyajpa.

³⁵ Mimichtam tsam iñjisa iga Dios wiap miyoxpát, jesic odoṭy tsaci iga iñjisa jempic porque siiga seguido iñjisa jempic, impictsonṭa tum wibic coñwiyooyi.

³⁶ Yaachiytaami iga inwattámpa juuts ixunpa Dios iga impictsonṭámpa titam tajycámayñe.

³⁷ Nimpa jém Dios inṃati:

Da jáyñe miñpa jém miñpáppic.

Da táncaap.

³⁸ Jém anṭwitsagayñewip itánca iniit jém vida porque acupicne, nimpa Dios.

Pero el que ichacpa iga acupicpa, aich da anṭwianjam.

³⁹ Pero taichtam da tajex juuts jém setpáppic ituuñiancim, jém nicpáppic juṭ ipictsonṭa jém castigo. Taichtam seguido tancupicpa Dios iga da togoypa jém tánanama.

11

Jém wiñicpic pixiñtam jém tsampic icupicyajpa Dios

¹ Siiga tanait fe, tançupicpa Dios, tan-nuntawijodon iga tampictsonpa titam tananjócne. Tanjodonjim iga numa tachiiba Dios jém cosa jém dapic tánixñe.

² Jempictim iwatyaj jém wiñicpic pixiñtam, Dios iwixyaj porque tsam icupicyaj.

³ Como tanait fe, tanjodon iga Dios iwat itumpiy cosa jém itwip naxyucmi y sinyucmi. Ipimiy iga idiñ, jesic itum. Dios ipic jém cosa jém dapic i wiap iix iga iwatpa jém cosa jém wiapaap tánix.

⁴ Como tsam iniit fe, jém Abel agui icupic iga Dios wiap iyoxpát, jeeyucmi ichi más wibic ofrenda que jém ichiwiip jém Caín. Quejpa iga wibic pixiñ porque Dios iwipictsoñáy jém iofrenda. Mex caane jém Abel, hasta siip inmatpa iga tsam icupic Dios.

⁵ Como tsam iniit fe, jém Enoc icupic Dios. Siwiñ nanicta, da ca. Dam i ipát porque Dios ininic. Nim jém Dios inmati: “Antes que nanictap jém Enoc, iwat juuts Dios ixunpa.”

⁶ Pero da i wiap iwat juuts ixunpa Dios siiga da iniñ fe, siiga da icupicpa iga Dios wiap iyoxpát. Jém icunúcpappic Dios tienes que icupicpa iga it, y iga Dios ichiiba jém wibic coñwiyooyi jém pixiñtam jém imétsyajpappic.

⁷ Como tsam iniit fe jém Noé, cuando Dios icjodóna iga miñpa jém cosa jém dapicnam que-man tánix, como tsam cñ, iwat tum barco iga iciacputyajpa jém iyomo y jém ichixtam. Con jeetim fe, jém iniitwip jém Noé, ichiiba castigo

itumpiy jém ityajwip yíp naxyucmi. Jeeyucmi Dios ipictson jém Noé juuts tum wibic pixiñ porque icupic iga Dios wiap iyoxpát.

⁸ Como tsam iniit fe jém Abraham, cuando inwejay Dios, icupic, nic tum lugar jut Dios ijycamayne iga ichiiba. Put de jém iticmi, aunque da ijodon jut nicpa.

⁹ Como tsam iniit fe jém Abraham, nic iti como tum juumipic pixiñ jém tungac naxyucmi jém Diospic ijycamayne. Jay iti con jém Isaac y Jacob jém puctucticjom. Jeeyaj ipictsonyajim jeetim promesa.

¹⁰ Porque jém Abraham tsam injocpa jém attebet jém wíwatnewip, jém iniitwip wibic base, jém arquitecto y jém iwatnewip Dios mismo.

¹¹ Como tsam iniit fe jém Sara, icupicpatim. Tsami jém yomo, nasneum itienpo iga manigíypa, pero Dios iyoxpát iga manigíyiñ. Icnay tum jaychixi porque icupic iga Dios iccupacpa juuts ijycamayne.

¹² Jém Abraham tsam wídaya, caatoobam, pero núc iga iniit tsam jáyan imanictam juuts jém matsa, jém itwip sinyucmi, y juuts jém pooy, jém itwip jém lamar aññaca, da wiap tammay.

¹³ Itumpiy jém wiñicpic pixiñtam, jém icupicneyajwip Dios, caayaj. Da iixyaj jém promesa jém ijycamaynewip Dios iga ichiiba. Pero como tsam iniit fe, icupicyaj, juumi iixyaj jém promesa. Tsam maymayyaj cuando iixyaj iga miñpa. Iñimayyaj iga: “Ich da yimpic apixiñ. Ich juuts awidaññaxi yíp naxyucmi.”

14 Cuando nımyaj jempıç, tsam wıquejpa iga imétsyajpa tunğac nas jém imıçıpıç.

15 Meega ijısyaj jém naxyucmi jut tsucumyaj, wıap ixetyaj eybıç jemıç.

16 Pero ixunyajpa tum wıbıç naxyucmi, tum sınyucmıpıç lugar. Jeeyucmi da tsaap jém tanJatun Dios cuando nımpa: Mıchtam anDios. Porque iwıtsagáy tum attebet para jeeyaj.

17 Como tsam iniit fe jém Abraham, cuando cutıtsta, inimiñ jém Isaac iga iccaaba juuts tum sacrificio. Iccaaba idıç jém tumpıç imanıç mex Dios ijıycámayñe iga nay jém tsıxi.

18 Nımayta jém Abraham iga por medio de jém imanıç Isaac, tsam anpıçpa jém immanıctam.

19 Jém Abraham iwıjodon iga Dios wıap icpıs jém caaneyajwııp. Y como da ijıç Dios iga iccaaba jém imanıç, wıap tanım iga jém Abraham eybıç ipıctson imanıç juuts tum acpısnetawııp de jut it jém caaneyajwııp.

20 Como tsam iniit fe jém Isaac, icupıç iga Dios wıap iyoxpát. Jeeyucmi ijıycámáy imanıctam jém Jacob y Esaú iga núcpa jama iga iwıwadáypa Dios.

21 Como tsam iniit fe Jém Jacob, icupıç iga Dios wıap iyoxpát. Cuando caatooba ijıycámáypa cada tumtum jém José imanıctam iga iwıwadáyıñ Dios. Teñchucum con ibaston jém wıdaya iga inwejpátpa Dios.

22 Como tsam iniit fe jém José, icupıç iga Dios wıap iyoxpát, jesıç antes que caaba iñımáy jém Israelpıç pıxiñtam iga ocmi putyajpa jém naxyucmi de Egipto. Pımıyyajta iga itajquımáyıñ ipac cuando putyajpa.

23 Como tsam iniit fe jém Moisés ijatun con iapa, icupicyaj iga Dios wiap iyoxpát. Cuando nay jém tsixi, iñec tres meses porque iix iga tsam wibic tsixi. Da icinyajpa jém orde, jém reypic ichiife.

24 Como tsam iniit fe jém Moisés, icupic iga Dios wiap iyoxpát, jesic cuando pixiñnam, da ijíc iga imanigap jém Faraón iyommanic.

25 Más iwianjam iga yaachwattaiñ con jém Dios ipixiñtam que iga maymáyp tum rato iga iwatpa juuts iwianjamyaj jém malopic pixiñtam.

26 Ijis iga vale más iga yaachwattap jém Cristo icuyucmi que iga ipictsonpa itumpiy jém riqueza jém itwip Egipto porque iix tum tsam wibic coñwiyooyi jém Diospic ichiiba.

27 Como tsam iniit fe jém Moisés, icupic iga Dios wiap iyoxpát, jeeyucmi put de jém naxyucmi de Egipto. Da icin jém Egiptopic rey iga agui jóyñe. Seguido iwatpa juuts iñímáy Dios, juuts jesic iixñe jém Dios jém dapic tánixpa.

28 Como tsam iniit fe jém Moisés, icupictim iga Dios wiap iyoxpát. Iwat jém pascuasiñ. Ipiimiy jém ipixiñtam iga icuxicsyajpa jém tic ipuerta con nipiñ iga cuando naspa jém sinyucmiptic pixiñ, jém accaoypaap, da iccaaba ni tum jém Israelpic pixiñ icoponmanic.

29 Como tsam iniityaj fe jém Israelpic pixiñtam, icupicyaj iga Dios wiap iyoxpát. Widanjacyajpa jém tsabats lamar juuts titsinaxyucmi. Pero cuando jém Egiptopic pixiñtam nasyajpa idic, jemtim jicjiccayaj.

30 Como tsam iniityaj fe, jém Israelpic pixiñtam

icupicyaj iga Dios wıap iyoxpát, jesic siete jama icuwitxetyaj jém atebet Jericó, ocmi cujegáy jém tsaataañi.

³¹ Como tsam iniit fe jém yomo Rahab, jém pejoypáppic idic, icupic iga Dios wıap iyoxpát. Da iwaganaca jém dapic icupicyaj, porque ñec jém wısten jém Israelpic pıxiñ jém icuixyajwıp jém naxyucmi de Canaán.

³² ¿Ti más wıap annım? Da anaı tiempo iga ananmatpa de jém Gedeón, jém Barac, jém Sansón, jém Jefte, jém David, jém Samuel y jém wiñicpic profetayaj.

³³ Como tsam iniityaj fe, icupicyaj iga Dios wıap iyoxpát. Jesic icoñwiyyaj jém tunğac naxyucmi, iwıanjacyaj jém Dios ipixiñtam, ipictsonyaj jém promesa jém ijıycámayñewıp Dios, inñuc jém cañ ijıp.

³⁴ Icpıch jém juctı jém tsampic yótpa, ciıputyaj iga accaayajtap con jém espada, chiıta pımi jém dapic iniı ipımi, tsam iniityaj ipımi cuando añayajpa, ichıcpoypa jém soldado jém tunğac naxyucmıpic.

³⁵ Algunos jém yomtam ipictson eybic imanıc jém caanewıp idic, acpısyajtawum.

Tunğac jém Dios ipixiñtam matsta, tsam yaachwattā hasta accaatā algunos. Y como da inñécpa iga icupıcpa Dios, da ı icutsıgáypa. Iwatpa ası iga ipictsonyajpa tum más wıbic vida cuando pısyajpa jém caaneyajwıp.

³⁶ Tunğac más tsam saayıyta, tsam cótsta, tsentā con cadena, cottā cárcel.

³⁷ Tunğac tsaanácscata, wıganşajta icucmi con sierra, accaatā con espada. Algunos oyyaj yım

jeexic. Iccámneyaj jém borrego icuero y jém chivo icuero. Tsam yaachayaj. Tsam yaachwattá. Agui anyácneyaj iga tsam malwadayta.

³⁸ Yíp pixiñtam vale más jém Dios iwiñjom que jém dapic icupicyajpa Dios. Jáy siiyaj jém titsinaxyucmi y jém cotsiganjjo. Ityaj jém tsajosjom y jém nasjosjom.

³⁹ Ni tum de jeeyaj da ipictson jém ijíycamayñewiip Dios mex icupic iga Dios wiap iyoxpát porque tsam iniityaj fe.

⁴⁰ Porque Dios tajispatim taichtam iga tachiiba tum más wibic cosa. Da iwíwadáypa jeeyaj hasta que tawíwadáypatim taichtam con jeeyaj.

12

Cotstap jém Dios imañictam iga más iwíwatyajiñ

¹ Jeeyucmi wí iga tantsacpa jém tantánca jém tsampic tacmalwatpa. Wí iga tanyaachíyiñ itumpiy cosa iga tanwattámpa juuts ixunpa Dios porque tánix iga jáyañ jém wiñicpic pixiñtam agui icupicneyaj iga Dios wiap iyoxpát juuts tacuwoyxetne jém ucsi.

² Wí iga tánámmatspa jém Jesús jém tachiipáppic jém fe. Tsam tayoxpát cuando moj tancupic Dios y seguido tayoxpátpa hasta tanaccupacpa. Tsam maymay jém Jesús iga yaachwattá cunusyucmi porque ijodon iga asíam icoñwíypa jém ienemigoyaj. Da tsaap iga accaatá juuts tum malopic pixiñ. Ocmi nic coñi jém Dios itrono inwimi.

³ Jístaami iga agui iyaachíy jém Jesús cuando iyaachwatyaj jém malopic pixiñtam. Jeeyucmi

mannímáypa: Odoy sopstaami iga inwattámpa juuts ixunpa Dios, odoy tsactaami iga inçupicpa Dios.

⁴ Numa tsam pimi mínatámpa contra jém tánc̄a, pero hasta siip danam mictegáy inñiipiñ.

⁵ ¿Que injaamanotneta iga Dios minquím juuts mimanic? Nimpa así jém Dios inmat̄i jut̄ jayñeta: Mammanic, odoy jóyc̄a cuando micótspa jém injatun̄ Dios.

Yaachiyi cuando michiiba castigo iga inçupiguiñ.

⁶ Porque jém tanjatun̄ Dios inuumanquím̄pa jém itoyajpáppic.

Icótspa itumpiȳ jém ipictsonpáppic juuts iman̄ic.

⁷ Yaachiytaami mimichtam cuando inñascaaba jém yaachaji. Asíam minquejáypa Dios iga inw̄iwadiñ. Miw̄ixpa Dios juuts tum̄ mimanic. ¿Que it̄ tum̄ tsixi da icótspa ijatun̄?

⁸ Pero siiga Dios da micótspa juuts inascaaba itumpiȳ jém iman̄ictam, jesic̄ da je Dios mimanic. Michiypa juuts mipejpen.

⁹ Yip̄ naxyucmipic̄ tanjatun̄ tacótspa, pero da tajóypa, tanw̄ixpa. Jesic̄ más w̄i iga tançupicpa jém anjatun̄ Dios jém dapic̄ tánixpa, jesic̄ tanaitpa jém vida.

¹⁰ Yip̄ naxyucmipic̄ tanjatun̄ tacótspa tum̄ rato juuts je iw̄ianjam̄. Pero jém tanjatun̄ Dios tacótspa iga tayoxpát̄pa iga tanw̄iwattámiñ̄im̄ juuts iwatpa je iga da tatánçaiypa.

¹¹ Numa tum̄ pixiñ̄ da iw̄ianjam̄ cuando cótstap̄. Jeeti rato tsam̄ toypa. Pero ocmī siiga tançupicpa, tayoxpát̄pa iga tanw̄iwatpa, agui tamaymay.

Da w̄i tanimpa iga da para ti w̄i jém Dios inmat̄i

12 Ch̄i p̄imi jém in̄ci jém sopsnew̄ip. Ch̄i p̄imi jém in̄coso jém dap̄ic cámpa iteñ.

13 Num̄tsaci jém tun̄ jut̄ miwittámpa, jesic jém cuxujp̄ic idic da putpa tun̄jom, p̄ispa.

14 Wadaayi caso iga in̄winanigáypa itump̄iy jém p̄ixiñtam. Seguido w̄iwat̄i juuts ixunpa Dios porque jém dap̄ic iw̄iwatpa da iixpa tan̄Jatun̄ Dios.

15 Nawattaji cuenta iga odoy in̄chaguiñ jém w̄ibic an̄mat̄i iga Dios tayaachanjampa y tayoxpátpa. Odoy ts̄iyi ni tum̄ de mimichtam juuts tum̄ t̄ichic tsamp̄ic tam̄ jém in̄nayi. Imalwadáypa jáyan̄ jém ityajw̄ip jem̄.

16 Ni tum̄ de mimichtam odoy pejoytaami ni odoy yamtsaayaj̄i tum̄ woñi. Odoy jóyixi jém Diosp̄ic im̄ichi juuts iw̄at jém Esaú. Por tum̄ ch̄ima w̄iccuy icucac jém herencia jém im̄ichipic idic.

17 Michtam in̄wijodon̄tam iga cuando jém Esaú ipictson̄tooba titam̄ ichiiba idic jém ijatun̄, dā ī ichi. Mex ts̄am wej jém Esaú, dam̄ w̄iā icucac ij̄ixi iga imalwat.

18 Mimichtam da in̄cunúcta jém cotsic jém w̄iapaap tantsic juuts icunúcyaj jém Israelp̄ic p̄ixiñtam. Agui yótpa jém jucti, cupiicha. Ocmi más p̄imi piichi, agui p̄imi poypa jém sawa.

19 Mimichtam datim immaton̄ta jém trompeta in̄j̄iyi ni jém Dios ij̄iyi. Jém imaton̄yajw̄ip icunucsayyaj iga odom más j̄iyiñ.

20 Da w̄iap̄ iyaach̄iyaj titam̄ in̄ímáy Dios. Nímayyaj̄ta: “Siiga tum̄ p̄ixiñ ichicpa jém cotsic o tum̄ an̄imat, jesic náscataami tsaami o tipcatañ con capi.”

21 Ts̄am p̄imi ichigan̄jéc jém Moisés cuando iix.

Tsam c̄iṇpa. N̄impa: “Tsam p̄imi ac̄iṇ hasta acuetsáypa.”

²² Pero, mimichtam, iṇcunúcnetaṁum jém cotsic Sión, jém vivopic Dios iattebet, jém siṇyucm̄ipic Jerusalén, juṭ aṇtuumaṇeyaj tsam jáyaṇ miḷ jém siṇyucm̄ipic p̄ixiñtam

²³ iga icujípyajpa Dios. Iṇcunúcnem juṭ aṇtuumaṇeyaj jém Dios imañictam jém icupicneyajw̄ip Jesucristo jém accámayñeyajtaw̄ip iñiyi siṇyucmi. Iṇcunúcnetaṁum jém tanjatun Dios, jém ic̄ipin̄páppic itumpiy p̄ixiñtam, y hasta juṭ it jém w̄ibic p̄ixiñtam iṇnamayaj jém iw̄itsagayñeyajw̄ip Dios.

²⁴ Iṇcunúcnetaṁum jém Jesús jém tacupujpáppic con jém jomipic trato, y jém iñ̄ipiñ jém tacuáyñew̄ip. Tsam w̄i quejpa iga más w̄i que jém Abel iñ̄ipiñ.

²⁵ Mimichtam, cupictaami titam taṇmadayta Dios, odoy jóyixi. Porque siiga da c̄iṇputyaj jém wiñ̄icpic p̄ixiñtam cuando aṇmadayajta yíp naxyucmi, jesic mucho más mimichtam da mic̄iputtámpa siiga da immatoṇtámpa cuando Dios mij̄iyaytámpa dende siṇyucmi.

²⁶ Wiñ̄igam cuando j̄iypa Dios, agui tsigóypa jém nas. Pero siṇ iṇycámne, n̄impa: “Eybic anactsigóypa jém nas, pero da solamente jém nas, anactsigóypatim jém siṇ.”

²⁷ Cuando n̄impa: “Eybic anactsigóypa”, taṇcut̄iȳiypa iga Dios iccáypa jém tsiḡoypáppic, jém iw̄atnew̄ip Dios, ichacpa jém cosa jém dapic tsigóypa.

²⁸ Tatigiytámpa jut injacpa Dios jut da i ictsigóypa, jeeyucmi tanchiitámpa gracia Dios. Tanjistámpa Dios juuts je iwianjam. Tantoytámpa y tançintámpa.

²⁹ Jém tanjatun Dios je tum mijpic jucti, nooquedóypa.

13

Ti iwianjam Dios iga tanwatpa

¹ Odoy tsaci iga minitoytamtap con inñiwitam.

² Odoy jamnooti iga inwipictsonpa jém miñyapáppic juumi. Acwíctaami. Jempigam algunos ipictsonyay jém sinyucmipic pixiñtam mex iga da ijodon.

³ Jistaami jém presoyaj juuts miwagapajnetā con jeeyaj. Jistaami jém malwadayñetawip porque mimichtam iniittim jexpic mijtay. Wiaptim inñasca jempic.

⁴ Itumpiy jém añcoomiyñeyajwip wi iga napicyajtap y da imalwatyajpa. Pero Dios ichiiba castigo jém ichayapáppic tunḡac yomo y jém pejoypaap.

⁵ Odoy cusúniyi jém tumiñ. Maymáyai con titam iniit sip porque nimpa Dios: “Da nunca mantsacpa iga manyoxpátpa. Da nunca michíypa inçutum.”

⁶ Wiap tanim:

Añwijodon iga Dios ayoxpátpa.

Da ti añçinpa.

Da i wiap amalwadáy.

⁷ Jistaami ti iwatyaj jém pastoryaj, jém miñmadayñewip jém Dios inmati iga tsam iwíwatyaj y tsam iniityaj fe. Jempictim

wiꝑꝑictaami mimichtam iga Dios wiꝑꝑ
miyoꝑáttá.

⁸Jém Jesucristo da cucacpa. Jeetim matic, jeetim
yíp jama y jeetim itumpiy tiempo.

⁹Odoꝑ jici iga i mimigóyáypa iga minquejáypa
tunꝑac añquímayooyi ðapic jex juuts jém
impictsonnewiꝑ. Más wi iga ipimchiiba iñanama
jém Dios itóyooyi que iga taꝑcútpa jém wíccuy
juuts nimpa jém wiñicpic costumbre. Porque
jém costumbre da tayoꝑátpa iga taꝑwatpa juuts
ixunpa Dios.

¹⁰Taichtam tanait tum altar juꝑ tsacta jém
ofrenda, jém ðapic wiꝑꝑ icútyaj jém yoꝑapáppic yíp
naxyucmiꝑic masticjom.

¹¹Jém cobacpic pañijyaj icotyaj jém animat
iñiꝑiñ jém cuarto juꝑ it Dios. Ichiiba juuts tum
ofrenda iga iccáyáypa jém pxiñtam itañca. Pero
jém animat imijtay noaytap añsici de jém atebet.

¹²Jextim jém Jesucristo tsam yaacha, accaata
añsici de jém atebet iga iccáyáy jém pxiñtam
itañca con jém iñiꝑiñ.

¹³Jesic taniꝑtámpa añsici de jém atebet juꝑ it
Jesús iga tayaachwattamtañ.

¹⁴Porque yíp naxyucmi da tanai tum atebet jém
ðapic cuyajpa. Pero tananjóctámpa jém atebet jém
miñpáppic ocmi.

¹⁵Jeeyucmi wi iga seguido taꝑcujíptámpa Dios
por medio de Jesucristo. Cuando taꝑcujíppa Dios
jex juuts tanchiiba tum sacrificio.

¹⁶Odoꝑ jamnooti iga inwiwadáypa jém iñtiwitam
iga iñyoꝑátayajpa con titam iniit. Siiga inwatpa así
jex juuts tum sacrificio jém iwianjampáppic Dios.

17 Cupici jém pastoryaj jém minmadaypáppic jém Dios inmati. Jici iga minjacpa porque Dios iccám juuts tum anjagooyi iga miwadáypa cuenta jém inñanama. Núcpa jama iga Dios icipiñpa jém pastor siiga iwianjacne. Jesic maymay jém pastor siiga wiap inímáy Dios iga inwíwatne. Pero siiga da inwíwatne, jesic anyácpa jém pastor. Siiga da incupicpa, jesic datim wí para mimich.

18 Anwejpátaami Dios para aichtam. Anwijodonam iga da síp ammalwat. Siempre anwatpa juuts tum wibic pixiñ.

19 Mançunucsáypa iga ininwejpátámiñ Dios para aich iga Dios ijícpa iga da jáyñe asetpa eybic jut miitta.

Anquímyajta jém pixiñtam

20 Síp Dios jém tachiiñewiip jém wibic jixi tánanamajom, jém icpisnewiip tánomi Jesucristo de jut it jém caaneyajwiip, je jém mijpic pastor, tawatpa cuenta juuts taborrego, itegáy inñipiñ iga tawadáy jém jomipic trato jém dapic cuyajpa,

21 yíptim Dios miyoxpátámpa iga michíyiñ juuts tum wibic mipixiñ iga da ti mitogóyáypa. Jesic wiap inwat itumpiy cosa juuts je ixunpa por medio de Jesucristo jém tançujíptampáppic siempre. Amén.

22 Mantíwítam, mançunucsáypa iga yaachiiyi iga manañquímpa con yíp anmati, porque da juchan manjáyáy yíp toto.

23 Jodónaji iga jém tantíwi Timoteo cutsigayñetawum. Siiga jobittim núcpa yim anwagananicpa cuando nicpa mánámta mimichtam.

24 Dioschitaami itumpiy jém pastor jém miñmadaytampáppic jém Dios inmati y itumpiy jém tantiwitam jém icupicneyajwip Cristo. Jém miñneyajwip de jém naxyucmi Italia micutsadaytampa wati Dios.

25 Dios miñwadaytamiñ inñtumpiytam. Amén. Jemum cuyaj.

**Jém jomipic trato jém iwatnewip tánomi
Jesucristo
New Testament in Popoluca, Highland**

copyright © 2009 Wycliffe Bible Translators, Inc.

Language: Popoluca, Highland

Translation by: Wycliffe Bible Translators, Inc.

Popoluca, Highland

poi

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Popoluca, Highland

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 22 Dec 2025 from source files dated 29 Jan 2022

da18b773-264a-519b-a8dd-012e48df725d